

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

po zahtjevu privrednog subjekta "NESTRO PETROL" a.d. Banja Luka

Sarajevo,
septembar 2014. godine



Broj: 01-26-7-13-1-I/14
Sarajevo, 25.9.2014. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu za mišljenje privrednog subjekta "NESTRO PETROL" a.d. Banja Luka, Kralja Alfonsa XIII broj 9, 78000 Banja Luka, Konkurencijsko vijeće Bosne i Hercegovine na 96. (devedesetšestoj) sjednici održanoj dana 25. septembra 2014. godine, donijelo je

MIŠLJENJE

Privredni subjekt "NESTRO PETROL" a.d. Banja Luka, Kralja Alfonsa XIII broj 9, 78000 Banja Luka (u daljem tekstu: "NESTRO PETROL" ili Podnosilac zahtjeva), podnio je Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja (u daljem tekstu: Zahtjev), zaprimljen dana 27.8.2014. godine pod brojem: 01-26-7-13-I/14.

Zahtjevom se traži mišljenje da li zakup zemljišta radi postavljanja samouslužnih aparata za točenje motornih goriva predstavlja osnov za prijavu koncentracije.

Podnosilac zahtjeva u bitnom navodi sljedeće:

- da ima osnovnu registrovanu djelatnost trgovina gorivima u specijalizovanim prodavnicama (benzinskim stanicama);
- da trenutno posluje u 83 maloprodajna objekta (benzinske stanice) u Bosni i Hercegovini, te da ima učešće u maloprodaji nafte i naftnih derivata na tržištu Bosne i Hercegovine u 2013. godini oko 7,54%;
- da u narednom periodu planira da zaključi ugovore o zakupu zemljišta sa trećim licima, na kojem će biti postavljeni samouslužni aparati za točenje goriva sa jednim točionim mjestom, tzv. mini benzinske stanice (poslovni plan predviđa postavljanje više takvih aparata širom Bosne i Hercegovine, na zemljištima površine maksimalno 250m²);
- da je Konkurencijsko vijeće u ranijim odlukama koje imaju sličnosti sa predmetnim Zahtjevom donosilo zaključke o odbacivanju prijave koncentracije (npr. broj: 01-03-26-1-025-5-II/11 od dana 19.1.2012. godine i Mišljenju broj: 01-26-7-20-1-I/12 od dana 31.1.2013. godine).

Konkurencijsko vijeće kao relevantne za odgovor na Zahtjev ističe odredbe člana 12. st. (1) i (2) Zakona o konkurenciji, koje glase:

" (1) Koncentracijom u smislu ovog Zakona, smatra se:

- a) spajanje ili pripajanje nezavisnih privrednih subjekata ili dijelova privrednih subjekata;*
- b) sticanje kontrole ili dominantnog uticaja jednog privrednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:*

- 1) sticanjem kupovinom većine dionica ili učešća osnovnog kapitala; ili*
- 2) sticanjem većine prava glasa; ili*

- 3) *na drugi način, u skladu s odredbama zakona koji regulišu osnivanje privrednih subjekata i njihovo upravljanje;*
- c) *zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekat*
- (2) *Sticanje kontrole u smislu stava (1) ovog člana ostvaruje se putem prava, zaključivanjem sporazuma ili drugim sredstvima kojima jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stiču mogućnost ostvarivanja dominantnog uticaja nad jednim ili više privrednih subjekata."*

Konkurencijsko vijeće na osnovu primjene navedenih odredbi smatra da se u predmetnom slučaju ne radi o koncentraciji, ali pod uslovom da fizička ili pravna lica koja bi zaključivala ugovore sa privrednim subjektom "NESTRO PETROL", daju u zakup zemljište bez infrastrukture (izgrađenih objekta - npr. benzinskih stanica), odnosno ako privredni subjekt "NESTRO PETROL" samostalno izgrađuje nove maloprodajne objekte za točenje motornih goriva (u tom slučaju u ocjeni obaveze prijave koncentracije treba uzeti u obzir i odredbe člana 14. stav (1) Zakona o konkurenciji).

Ovo Mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednik

Gordan Raspudić